



## JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

### Komunikadu Imprensa

Periodu : Maiu 2009

Edisaun : 2009

### MINISTERIU PUBLICU ALEGA NO AKUZA AUTHOR KAZU DANO WATULARI NIAN IHA TINAN 2007

Alegasaun husi Ministeriu Publicu ba proseso numeriu 20/Crm.C/09/TDB ida nee halao kuaze besik oras 2. Ministeriu Publicu iha nia alegasaun final alega katak, iha duni faktus provados nebe suficiente arguidos sira maka halo duni crime estragus sasan, sunu ema nia uma iha lokal do akontesementu iha sub Distritu Watu Lari iha tinan 2007. MP mos akuza arguidos sira nudar author material husi crime dano ida nee. Faktus nebe maka MP foti hodi akuza arguidos sira nee bazeia husi deklarasaun testamunho sira no konfesoes iha depoimentus arguidos ida nian katak iha tempo akontesementu arguido sira iha lokal do akontesementu no testamunho sira mos hare duni katak arguidos sira maka sunu duni uma sira nee.

Tanba ida nee MP la duvidas ba hahalok arguidos sira nee. Ho nunee MP akuza arguidos sira kontra artigos 172 (1,2,3) CP. Maibe ikus mai MP halo alterasaun juridica dahuluk ba fali artigo 406 KUHP.

Rezumu MP nian ikus liu maka, tanba arguidos sira estraga/ distuirbu propiedades sosial nunee MP husu ba tribunal atu hamonu pena ba arguido L la bele as liu husi tinan 5. E ba arguido G no D MP husu atu kondena pena la bele minus husi tinan 5.

Advogado privado Dr. Tome no Dr. Arlindo Canches nebe maka fo defesa ba arguidos le'e arguido sira nia **Pledoi**, hateten katak, akontesementu nebe akontese iha Sub-Distritu Watu Lari iha tinan 2007 nee reazem spontanitas husi masa. Iha tempo nee ba iha masa demonstrante nebe maka sunu uma no stragas sasan. Entre masa demonstrante sira nee iha balun nebe taka oin, Pinta oin nebe halo lakuinese.

Reazem spontanitas nebe cauza estragaos sasan, sunu uma nee tanba la satisfas ba desizaun Presidente da Republica konaba anunsia fo poderes ba Aliansa Maioria Parlemantar hodi kaer Guvernu.

Defeza mos rezeita katak arguido sira maka nudar author material ba krime dano ida nee. Nunee mos iha indisiu MP akuza arguido sira nee la klaru tanba iha akontesementu neba iha ema barak (masa) maka sunu uma mai be ikus mai testamunho sira identifika deit maka arguidos nain 6 nebe sira iha tempo neeba dook husi fatin akontesemenatu. Nunee iha Pledoi nee mos haktuir katak, "imposibel ba arguido sira bele sunu uma kuaze hamutuk 3000 iha tempo hanesan". Advogadu nee haktuir tan katak "Ida nee la bele simu ho kakutak (logica)". "Nunee mos distansia entre uma sira nebe maka hetan sunu nee

dook malu”. Defesa mos haberan katak, Tuir deklarasaun nebe maka arguido G hatoo ba tribunal katak iha tempo akontesementu nia iha fatin dook husi akontesementu Hamutuk ho nia maluk ida. Iha pledoi nee mos haktuir deklarasaun testamunho sira nian nebe maka hateten katak,entre testamunho sira nee, so testamunho ida deit maka deklarasaun katak nia hare arguido D iha tempo akontesementu snebe sei proteje lezado C husi ahi nebe maka han uma.

JSMP iha opiniaun katak parte tribunal atu ho kuidadu wainhira hamonu sentensa nune’e desizaun ne’e bele kredivel nune’e bele sai hanesan lisaun ba sidadaun tomak iha tempu oin mai katak se kuandu la satisfas ba desizaun ruma la bele direktamente ita tenke halo aat, estragus sasans, sunu arbiru deit no wainhira ne’e ita halo mak karik ita sei hasoru lei ne’ebe mak vigora iha TL tanba konsidera nu’udar aksaun krime no merese duni atu hetan pena.

Atu hetan informasaun kle’an favor kontaktu:

Luis de Oliveira Sampaio

Direitor Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883